

БНСУ ДАХЬ ХӨДӨЛМӨР, НИЙГМИЙН ХАМГААЛЛЫН
ҮЙЛЧИЛГЭЭНИЙ ТӨВИЙН 2023 ОНЫ 03 ДУГААР САРД ХИЙЖ
ГҮЙЦЭТГЭСЭН АЖЛЫН ТАЙЛАН

Агуулга: БНСУ дахь Хөдөлмөр, Нийгмийн Хамгааллын Үйлчилгээний төв нь Хөдөлмөр, нийгмийн хамгааллын тасаг, Нийгмийн даатгалын тасаг гэсэн 2 тасагтайгаар үйл ажиллагаа явуулж байна.

Тайлант хугацаанд ажлын чиг үүрэг, хуваарийн дагуу дараах ажлуудыг хийж гүйцэтгэсэн. Үүнд:

1. Дотоод ажлын хүрээнд.
2. Хөдөлмөрийн гадаад харилцааны ажлын хүрээнд.
3. Судалгаа, мэдээллийн ажлын хүрээнд
4. Сургалт, сурталчилгааны ажлын хүрээнд
5. Хөдөлмөрийн гэрээтэй холбоотой өргөдөл, гомдлын хүрээнд.
6. БНСУ-н Хөдөлмөрийн яам, Хөдөлмөрийн маргаан эцэслэн шийдэх газарт гицхандаж шийдсэн асуудлын хүрээнд
7. БНСУ-д хууль бусаар ажиллаж байгаа иргэдээс ирсэн өргөдөл, гомдлын хүрээнд
8. Гэрээт ажилчдын ахисан түвшний боловсролыг дэмжих ажлын хүрээнд.
9. ХХҮЕГ болон ЭСЯ-аас ирсэн өргөдөл гомдлыг шийдвэрлэх ажлын хүрээнд
10. БНСУ-д хөдөлмөрийн гэрээгээр ажиллаж буй иргэдийг нийгмийн даатгалын тэтгэврийн даатгалд албан журмаар хамруулах, Нийгмийн хамгааллын тухай Монгол Улсын Засгийн газар, БНСУ-ын Засгийн газар хоорондын хэлэлцээрийн дагуу Монгол Улсын тэтгэврийн даатгалд даатгуулсан гэрчилгээ бичиж олгох
11. БНСУ-д оршин сууж буй иргэдийг Монгол Улсын нийгмийн даатгалын сайн дурын даатгалд хамруулах, Нийгмийн хамгааллын тухай Монгол Улсын Засгийн газар, БНСУ-ын Засгийн газар хоорондын хэлэлцээрийн дагуу Монгол Улсын тэтгэврийн даатгалд даатгуулсан гэрчилгээ бичиж олгох
12. Нийгмийн даатгалын сангийн орлого төвлөрүүлэх ажлын хүрээнд
13. БНСУ-д хөдөлмөрийн гэрээгээр (Е-9, Е-8, Н-2 визээр) ажиллах хугацаандаа тус улсын Үндэсний тэтгэврийн даатгалд шимтгэл төлсөн иргэдийн шимтгэлийг олгуулах ажлын хүрээнд
14. Төрийн үйлчилгээний нэгдсэн цахим систем ашиглан үзүүлсэн үйлчилгээний хүрээнд

Тайлангийн хугацаанд тус ХНХҮТ нь Хөдөлмөр эрхлэлт, хөдөлмөрийн харилцааны бодлогын хэрэгжилтийг хангах зорилтын хүрээнд Монгол улс, БНСУ-ын Хөдөлмөрийн Яам хоорондын “Хөдөлмөр эрхлэх зөвшөөрөл олгох тогтолцоо”-ны дагуу “БНСУ-д ажиллах хүч илгээх тухай харилцан ойлголцлын санамж бичиг”, ХНХЯ-ны эрхлэх асуудлын хүрээнд ажил олгогч, ажилтан хоёрын хооронд байгуулсан хөдөлмөрийн гэрээнд хяналт тавьж биелэлтийг хангуулах, Нийгмийн хамгааллын тухай Монгол Улсын Засгийн газар, БНСУ-ын Засгийн газар хоорондын хэлэлцээр, Монгол Улсын Нийгмийн даатгалын ерөнхий газар, БНСУ-ын Үндэсний тэтгэврийн алба хооронд байгуулсан “Харилцан ойлголцлын санамж бичиг”, бусад холбогдох хууль тогтоомжууд болон “Сахилга, хариуцлага, дэг журмыг чангатгах тухай” Монгол Улсын Засгийн газрын

2017 оны 10 дугаар сарын 26-ны өдрийн 01 тоот албан даалгаврыг тус тус хэрэгжүүлэн, БНСУ-д ажиллаж амьдарч буй иргэдийнхээ эрх ашгийг хамгаалахаар ажиллаж байна.

2023 оны 03 дугаар сарын 17-ны өдөр БНСУ-д хөдөлмөрийн гэрээгээр ажиллахаар ирэх 56 иргэнд ирэхээс өмнөх сургалтыг цахим хэлбэрээр зохион байгуулав.

1. Дотоод ажлын хүрээнд:

- ХНХЯ-ны Хөдөлмөр эрхлэлтийн бодлогын хэрэгжилтийг зохицуулах газрын дарга С.Дамбий, Хөдөлмөр эрхлэлт, ажлын байрыг дэмжих хэлтсийн дарга С.Алтантулга болон албаны бусад төлөөлөгчид 2023 оны 03 дугаар сарын 24-ний өдөр БНСУ дахь Хөдөлмөр, нийгмийн хамгааллын төвөөр зочлов. Албан уулзалтын үеэр тусгай үр чадвартай ажиллах хүчний E7, E8, E10 визний талаар мэдээлэл бэлтгэн танилцуулга хүргэв.
- Төвийн танилцуулга шторк бэлтгэв.
- Нийгмийн даатгалын лавлагааны програмаас лавлагаа авах хүсэлт гаргасан 5 иргэний мэдээллийг гаргаж өгөв. Нийгмийн даатгалын аппликейшнд бүртгүүлэх 18 иргэний хүсэлтийг хүлээн авч, бүртгэлийг баталгаажуулан, иргэдэд бүртгүүлэх кодыг илгээв.
- Нийгмийн даатгалын тухай хууль тогтоомжид заасан болзол нөхцлийг хангасан, нийгмийн даатгалын сангаас тэтгэмж авах эрх үүссэн 2 даатгуулагчид зохих журмын дагуу даатгуулагчийн тодорхойлолтыг гаргаж, шаардлагатай бичиг баримтыг монгол хэл рүү хөрвүүлж өгөв.
- Нийгмийн даатгалын сангийн шимтгэлийн орлогыг НДЕГ-ын Төрийн банкин дахь холбогдох дансанд шилжүүлэн, тайлан мэдээг гарган НДЕГ-ын СБГ-ын холбогдох албан тушаалтанд хүргүүлэв. Мөн 5 даатгуулагчаас ирсэн өргөдлийг хүлээн авч 4 өргөдлийг цаг тухайд нь шийдвэрлэж, 1 өргөдлийг шийдвэрлэхээр ажиллаж байна.
- НДЕГ-аас хийгдэж буй албан хэрэгцээнд ашиглагдаж буй програмын шинэчлэлийн хүрээнд “Солонгос улсад гэрээгээр ажиллагчдын програм <https://app.ndaatgal.mn:811/ndweb/Default.aspx>”-н шинэчлэлийн өгөгдөлд өгөх саналаа бэлтгэн НДЕГ-ын холбогдох мэргэжилтэнд илгээсэн.

2. Гадаад харилцааны ажлын хүрээнд.

- БНСУ-ын Үндэсний эрүүл мэндийн даатгалын газарт иргэний хүсэлтийг хүлээн авч дэмжлэг хүссэн албан бичиг илгээв.
- Явуулын үйлчилгээг БНСУ-ын Мугпу хотод үйл ажиллагаа явуулдаг “Nice 777 Lounge ” болон Монгол улсаас БНСУ-ын Пусан хотод суугаа Консулын газар, Төрийн банк зэрэг албан байгууллагуудтай хамтран зохион байгуулж 50 орчим иргэнд хөдөлмөрийн харилцаа болон нийгмийн даатгалын чиглэлээр мэдээлэл зөвлөгөө, үйлчилгээ хүргэв.

3. Мэдээлэл, судалгааны ажлын хүрээнд

- Спас програмаас 2023 оны 02 дугаар сарын 28-ны өдрийн байдлаар БНСУ-д ирсэн хөдөлмөрийн гэрээт иргэдийн мэдээллийг нэгтгэн гаргав.

4. Сургалт, сурталчилгаа, судалгааны ажлын хүрээнд:

- БНСУ-д хөдөлмөрийн гэрээгээр шинээр ирэх 56 иргэнд ирэхийн өмнөх 2 цагийн сургалтыг 03 дугаар сарын 17-ны өдөр хийж гүйцэтгэв. Иргэдэд:

1. ХНХҮТ-ийн үйл ажиллагааны товч танилцуулга
2. Солонгос улсын хууль, дүрэм, журам
3. Монгол иргэдийн гэмт хэрэгт холбогдож буй байдал
4. Үйлдвэрийн осол, үйлдвэрийн ослын даатгал, ХАБЭ, ослоос урьдчилан сэргийлэх
5. Суугаа орондоо дасан зохицоход анхаарах зүйл
6. Ур чадвартай ажиллах хүч E7 визний талаар
7. Хууль бусаар оршин суухын сөрөг тал, хуулийн дагуу оршин суухын давуу талуудын талаар
8. Нийгмийн даатгал гэсэн сэдвээр гэрээт иргэдэд мэдээлэл, зөвлөгөөг өгч асуусан асуултад хариулав.

- Ёнсэй их сургуулийн Нийгмийн хамгааллын судалгааны институтийн захирал, төрийн удирдлагын тэнхмийн профессор Чой Ён Жүн нь нийгмийн хамгааллын тогтолцоо, тэтгэврийн даатгал, сангийн менежмент, БНСУ-ын сайн туршлага болон тулгарч буй сорилтын талаар төвийн байранд хүрэлцэн ирж сургалт хийв. Тус сургалтад төвийн нийт мэргэжилтнүүд оролцов.

- Тайлант хугацаанд нийт давхардсан тоогоор 818, үүнээс 785 иргэн, даатгуулагч, ажил олгогчид утсаар, 33 иргэн, даатгуулагчид биечлэн Нийгмийн хамгааллын тухай Монгол Улсын Засгийн газар, БНСУ-ын Засгийн газар хоорондын хэлэлцээр, Нийгмийн даатгалын тухай хууль тогтоомжууд, БНСУ-ын Үндэсний тэтгэврийн даатгалаас буцаан олголт авах талаар болон бусад мэдээлэл, заавар, зөвлөгөө өгч, сурталчилгааны материал тараан ажиллав.

5, 6, 7. Хөдөлмөрийн гэрээтэй холбоотой өргөдөл, гомдол болон БНСУ-д хууль бусаар ажиллаж байгаа иргэдээс ирсэн өргөдөл, гомдол, Хөдөлмөрийн маргаан шийдвэрлэх газраар дамжуулан өргөдөл, гомдлыг шийдвэрлэсэн ажлын хүрээнд :

- ХНХТ нь 2023 оны 03 дугаар сарын 01-нээс 03 дугаар сарын 31-ний өдрийн хооронд иргэд байгууллагаас хөдөлмөрийн харилцаанд тулгарсан асуудлаа шийдүүлэхээр танхимаар, факс болон утсаар нийт **234** иргэний санал, хүсэлт, өргөдөл гомдол ирсний дагуу БНСУ-ын Хөдөлмөр эрхлэлт, хөдөлмөрийн яам, Үндэсний тэтгэврийн албатай болон ажил олгогч эздүүд, холбогдох бусад байгууллагуудтай харилцаж, харилцан зөвшилцөх, эвлэрүүлэн зуучлах, гомдол барагдуулах, орчуулга хийх, хууль эрхзүйн зөвлөгөө өгч ажиллав. БНСУ-ын “Самсунг” даатгалын газраас оршин суух хугацаа дуусгавар болсны даатгал, нутаг буцах зардлын даатгал, гэнэтийн ослын даатгал, үйлдвэрийн ослын даатгалын болон авч чадаагүй цалин хөлс зэрэг нийт **33,371,060** воныг гэрээт ажилчид, бусад визээр оршин суугаа иргэд, хууль бусаар оршин суугаа иргэдэд олгуулж ажиллав. Үүнд: Үйлдвэрээс авах 13 дахь сарын цалингийн зөрүү **5,600,000** вон, нутаг буцах замын зардал **1,000,000** вон, Самсунг даатгалын газраас 13 дахь сарын цалинд **11,768,800** вон, үйлдвэрийн ослын даатгалаас **8,002,260** вон, хууль бусаар ажилладаг иргэнд **7,000,000** вон эмнэлгийн үнэ төлбөргүй үйлчилгээг холбогдох

байгууллагууд болон хамтран ажилладаг эмнэлгээс гаргуулав.

- Төвийн цахим хуудсаар ирж буй өргөдлийг төрөлжүүлэн хүлээн авч, 13 иргэний санал, хүсэлтэд холбогдох зөвлөгөө мэдээлэл өгөв.

8. Ахисан түвшнийг дэмжих ажлын хүрээнд

- Е-9 статусаас Е-7-4 рүү визний ангиллаа солиулж ахисан түвшинд хүрэх хүсэлтэй иргэдийг бүртгэлийн санд оруулж, холбогдох сургалтанд бүртгүүлэх, бусад зөвлөгөө мэдээлэл өгч, оноог тоолон ажиллаж байна.

9. ХХҮЕГ болон ЭСЯ аас ирсэн өргөдөл гомдлыг шийдвэрлэх ажлын хүрээнд

- Иргэн Б нь 20... онд хөдөлмөрийн гэрээт ажилчнаар орж ирсэн боловч 20... оноос хууль бус болон амьдарч байгаад бие нь гэнэт муудан зүрхний дутагдалд орж биеийн байдал хүнд байсан боловч зүрх шилжүүлэн суулгах хагалгаанд амжилттай орж, одоо хөл дээрээ босон алхаж байна. Эмчилгээний төлбөр өндөр гарсан бөгөөд эмнэлэг дээр нь очиж халамжийн хэлтэстэй уулзан төлбөр мөнгөнд тусламж үзүүлэх боломж байгаа эсэх талаар асууж лавлахад эмнэлгийн зүгээс 5 сая воны тусламж үзүүлсэн, өөр боломжгүй гэсэн хариулт өгсөн. Хууль бусаар ажиллаж амьдардаг гадаад иргэдэд эмнэлгийн тусламж үзүүлдэг газрууд руу хандан өргөдөл гаргаж нэг байгууллагаас 7 сая воны дэмжлэгийг олгуулсан.

10. БНСУ-д хөдөлмөрийн гэрээгээр ажиллаж буй иргэдийг нийгмийн даатгалын тэтгэврийн даатгалд албан журмаар хамруулах, Нийгмийн хамгааллын тухай Монгол Улсын Засгийн газар, БНСУ-ын Засгийн газар хоорондын хэлэлцээрийн дагуу Монгол Улсын тэтгэврийн даатгалд даатгуулсан гэрчилгээ бичиж олгох ажлын хүрээнд

Нийгмийн даатгалын тэтгэврийн даатгалд 28 иргэнийг шинээр хамруулан <https://app.ndaatgal.mn:811/ndweb> програмд мэдээллийг бүртгэн гэрээ байгуулав. Нийгмийн даатгалын тэтгэврийн даатгалд даатгуулсан иргэдэд шинээр 27, гэрээний хугацаа сунгасан 51, ажлын байраа сольсон, гэрчилгээг гээж үрэгдүүлсэн, албан байгууллага нь хүсэлт гаргасан 19 даатгуулагчид Нийгмийн хамгааллын тухай Монгол Улсын Засгийн газар, Бүгд Найрамдах Солонгос Улсын Засгийн газар хоорондын хэлэлцээрийн дагуу Монгол Улсын тэтгэврийн даатгалд даатгуулсан гэрчилгээг тус тус бичиж олгов.

11. БНСУ-д оршин сууж буй иргэдийг Монгол Улсын нийгмийн даатгалын сайн дурын даатгалд хамруулах, Нийгмийн хамгааллын тухай Монгол Улсын Засгийн газар, БНСУ-ын Засгийн газар хоорондын хэлэлцээрийн дагуу Монгол Улсын тэтгэврийн даатгалд даатгуулсан гэрчилгээ бичиж олгох:

НДЕГ-ын даргын 2021 оны 3 дугаар сарын 9-ний өдрийн А/35 тоот тушаалын дагуу “Журам шинэчлэн батлах тухай” журмын дагуу тус улсад оршин сууж буй монгол иргэдийг нийгмийн даатгалын сайн дурын даатгалд иргэдийг хамруулж байна. 3 дугаар

сарын 31-ний байдлаар сайн дурын даатгалд нийт 847 даатгуулагчийн бүртгэл хийгдсэн ба хувийн хэргийг хөтлөн <https://app.ndaatgal.mn:811/sdkorea/> програмд мэдээллийг тогтмол шинэчлэн, хяналт тавин ажиллав.

Тайлант хугацаанд 26 иргэнийг сайн дурын даатгалд шинээр хамруулж, гэрээ байгуулав. БНСУ-ын ААН-д хөдөлмөр эрхэлдэг 32 даатгуулагчийн хүсэлтийн дагуу Нийгмийн хамгааллын тухай Монгол Улсын Засгийн газар, Бүгд Найрамдах Солонгос Улсын Засгийн газар хоорондын хэлэлцээрийн дагуу Монгол Улсын тэтгэврийн даатгалд даатгуулсан гэрчилгээг бичиж олгов. Мөн 2023 оны 03 дугаар сарын 31-нээр гэрээ дуусгавар болсон даатгуулагч нарын гэрээг сунгаж ажиллав.

12. Нийгмийн даатгалын сангийн шимтгэлийн орлого төвлөрүүлэх ажлын хүрээнд.

НДЕГ-ын даргын 2023 оны 01 дүгээр сарын 10-ны өдрийн А/04 тушаалаар тус тасгийн 2023 оны орлогын төлөвлөгөө 3,347,614,600.00 төгрөгөөр батлагдсан бөгөөд сар бүрийн орлогын төлөвлөгөө 278,967,883.33 төгрөг болно.

Тус тасаг нь тайлант хугацаанд тэтгэврийн даатгалын шимтгэл 48,078,501.00 вон, сайн дурын даатгалын шимтгэл 46,261,870.00 вон, нийт 94,340,371.00 вон буюу 256,605,809.12 төгрөгийн шимтгэлийн орлогыг төвлөрүүлж, 3 дугаар сарын орлогын төлөвлөгөөг 92 хувийн гүйцэтгэлтэй биелүүлэв. Тэтгэврийн даатгалын буюу <https://app.ndaatgal.mn:811/ndweb/> програм, сайн дурын даатгалын буюу <https://app.ndaatgal.mn:811/sdkorea> програмд даатгуулагчдын мэдээлэл, гэрээний хугацаа, шимтгэл төлөлтийн тооцоог хянан, төлөлт хийлгэж ажиллав.

Хөдөлмөрийн гэрээгээр ажиллагсдын ажил олгогчдод тухайн сарын болон өмнөх саруудын шимтгэл төлөхийг сануулж, 486 ширхэг нэхэмжлэл факсаар илгээн, 597 даатгуулагчтай шимтгэл төлөхийг шаардаж утсаар холбогдов.

Орлогын төлөвлөгөөний биелэлт 03 дугаар сарын байдлаар харуулбал

Хүснэгт-1

/2023.03.31-ний байдлаар, ханш 2.72/

Сар	Сарын орлогын төлөвлөгөө /төгрөгөөр/	Тэтгэврийн даатгалын шимтгэлийн орлого		Сайн дурын даатгалын шимтгэлийн орлого		Нийт төвлөрүүлсэн шимтгэлийн орлого		Биелэлтийн хувь	Тухайн сарын МБ-ны эхний даваа гаригийн хаалтын ханш
		Воноор	Төгрөгөөр	Воноор	Төгрөгөөр	Воноор	Төгрөгөөр		
3	278,967,883.33	48,078,501.00	130,773,522.72	46,261,870.00	125,832,286.40	94,340,371.00	256,605,809.12	92	2.72

13. БНСУ-д хөдөлмөрийн гэрээгээр (Е-9, Е-8, Н-2 визээр) ажиллах хугацаандаа тус улсын Үндэсний тэтгэврийн даатгалд шимтгэл төлсөн иргэдийн шимтгэлийг олгуулах ажлын хүрээнд

БНСУ-д хөдөлмөрийн гэрээгээр ажиллах хугацаандаа БНСУ-ын Үндэсний тэтгэврийн даатгалд даатгуулаад нутаг буцсан, төлсөн шимтгэлээ буцааж авахаар НДЕГ-т хүсэлт ирүүлсэн иргэдийн 184 дүгээр ээлжийн 4 хүний материал ирснийг ҮТА-д

хүргүүлсэн ба өмнө нь ирүүлсэн иргэдийн 183 дугаар ээлжийн хариуг шийдвэрлүүлэхээр ажиллаж байна.

14. Төрийн үйлчилгээний нэгдсэн цахим систем ашиглан үзүүлсэн үйлчилгээний хүрээнд

- 2023 оны 3 дугаар сарын 20-ны өдөр Цахим хөгжил, харилцаа холбооны яамнаас “ХурДан” төрийн үйлчилгээний цэгийг Хөдөлмөр, нийгмийн хамгааллын яамны харьяа БНСУ дахь Хөдөлмөр, нийгмийн хамгааллын үйлчилгээний төвд байршуулж, нээлтээ хийв.
- ХУРДАН төрийн цахим үйлчилгээний системийн операторын горимоор 25 үйлчилгээ, киоск машинаар 30 лавлагааг иргэдэд хүргэж ажиллав.

**ХӨДӨЛМӨР, НИЙГМИЙН ХАМГААЛЛЫН ТАСГИЙН
САР ТУТМЫН ТООН МЭДЭЭ
/2023 оны 03 дугаар сар/**

№	Агуулга	Дүн
1	Иргэдэд олгуулсан мөнгөн дүн	33,371,060 вон
2	Шийдвэрлэсэн өргөдөл, гомдол	287